



## Publicaziuns officialas dils 06-03-2020

---

### Radunonza da vischnaunca

La proxima radunonza da vischnaunca ha liug **mardis, ils 31 da mars 2020** allas 20.00 uras a Rabius.

#### ***Gliesta da tractandas***

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 19-12-2019
4. Tractaziun ed approvaziun dil project per schurmetg dallas auas grondas Val Luven a Rabius e concessiun dil credit brut da 2'700'000 francs per mauns dalla votaziun all'urna
5. Tractaziun ed approvaziun dil project canalisaziun e serenera Val e concessiun dil credit brut da 400'000 francs
6. Concessiun dil credit supplementar da 32'000 francs per il project tegia Val Tenigia
7. Orientaziuns
8. Varia

Dils documents tier las tractandas 4-6 sa vegnir priu investa sin canzlia communal durant las uras da spurtegl.

Sumvitg, 06-03-2020

*Suprastonza communal*

### **Avis dall'administraziun communal**

Sur Sogn Giusep resta l'administraziun communal serrada naven da **mesjamna, ils 18 da mars 2020 allas 17.00 uras entochen gliendisdis ils 23 da mars 2020 allas 08.00 uras**.  
Bien engraziament per Vossa capientscha.

Sumvitg, 06-03-2020

*Administraziun communal*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 06-03-2020

*Departament stradal*

## **VIRUS DA CORONA – OCCURRENZAS ELLA VISCHNAUNCA DA SUMVITG**

**Occurrenzas ella vischnaunca da Sumvitg cun dapli che 50 personas ein en general per immediat da dar giu ni da spustar**

Il stab da crisa dalla vischnaunca Sumvitg ei sefatschentaus intensivamein cun il niev svilup dil virus da corona. **En concordanza cun ils responsabels dil Cantun Grischun ha la vischnaunca decidu, che tut las occurrenzas cun dapli che 50 personas ein en general per immediat da dar giu ni da spustar.** Quei vala per occurrenzas ch'ei buca urgent necessarias e sin fundament dalla situaziun actuala pusseivlas da spustar. Cun la restricziun sin occurrenzas cun maximalmein 50 personas eis ein pusseivel da menar atras in model da contact da management ed aschia saver perseguitar anavos ina eventuala transmissiun dil virus da corona.

**Per occurrenzas sur 50 personas, che san buca vegnir spustadas, ei igl organisatur obligaus d'emplenir ora il suadont formular da contact:**

***<https://www.gr.ch/DE/institutionen/verwaltung/djsg/ga/coronavirus/Seiten/Veranstaltungsanfrage.aspx>***

Il Cantun Grischun meina allura atras in giudicamet da resca sin fundament dallas datas el formular e decida sche l'occurrenza sa vegnir menada atras ed informescha igl organisatur e la vischnaunca corrispondentamein.

**Occurrenzas ella vischnaunca Sumvitg cun pli pauc che 50 personas ein lubidas**

**Occurrenzas cun pli pauc che 50 personas ein vinavon lubidas,** gest tuttina igl affar da mintga di sco per exempel far cumissions ni visetas en ustrias. Cheu vegn era appellau alla responsabladad persunala da mintgin/mintgina, da risguardar ils sempels cussegls pertuccont igiena e d'esser premuraus da restrenscher participaziuns surregiunalas ed internaziunalas sigl absolut minimum.

**Tut las sura numnadas mesiras valan per immediat ed ein ad interim tochen ils 15 da mars 2020 limitadas.** Silsuenter vegn il stab da crisa Sumvitg en concordanza cun il Cantun Grischun a menar atras in niev giudicament da resca.

Sumvitg, 06-03-2020

*Stab da crisa vischnaunca Sumvitg*

### **Cumissiun da cultura Vischnaunca da Sumvitg**

Concert cun la Chiara ha buca liug muort la situaziun cun il virus da corona. Tut tenor vegn el spustaus sin in auter termin.

### **Annunzia scoletta per igl onn da scola 2020/21**

Il scriver cul talun d'annunzia obtegnan ils geniturs dils affons dall'annada 2015 ils proxims dis. Ils affons dall'annada 2014 che han gia frequentau in onn scoletta valan sco annunziai. En cass che Vus retscheveis negin scriver ni che Vus haveis ulteriuras damondas, astgeis bugen contactar nus d'ora las uras da spurtegl (gliendisdis e mardis 8.00–11.00) sut 081 936 33 04. Consorzi da scola Sumvitg-Trun *Administraziun*

## **Corporaziun Alp Russein-Trun**

Invitaziun alla radunonza generala dalla Corporaziun Alp Russein-Trun, **gievzia ils 12 da mars 2020**, allas 20.00 el «Café Tschut» a Trun

### **Tractandas:**

1. Beinvegna ed appel
2. Elecziun d'in dumbravuschs
3. Prelecziun ed approvaziun dil protocol dalla davosa radunonza generala
4. Rapport dil president
5. Rendaquen per ils onns 2017–2019
6. Rapport dils revisurs ed approvaziun dil quen
7. Elecziuns: a) suprastonza  
b) revisurs da quen
8. Orientaziun e damonda da credit per la sanaziun dil tetg-tegia a Russein Su
9. Fixar il tscheins dils dretgs per 2020–2022
10. Varia

Per la Corporaziun Alp Russein-Trun, *la suprastonza*

## **Uniun purila Sumvitg**

Preziadas commembras, prezias commembers Nossa 26avla radunonza generala dall'uniun purila ha liug ils **12-3-2020 allas 20.15** en l'ustria «Cruna», Sumvitg. La gliesta da tractandas vegn tarmessa tier per e-mail ni per posta a mintga commember/-bra. Sperein cun stedia participaziun *la suprastonza*

## **Uniun samaritana Sumvitg-Trun**

Bugen envidein nus in e scadin ad in exercezi public a caschun dalla meisa culturala dalla vischnaunca da Trun. Quel ha liug **mardis, ils 10 da mars 2020**, allas 20.00 el local samaritan a Trun (tschaler da schurmetg en casa communal). Vus saveis profitar da buns tipps era per vies mintgadi e perquei selegrein nus sur da mintga visitadra e mintga visitader. A bien seveser e cordials salids *la suprastonza*

## **Uniun da dunnas Rabius**

### **Sera da giugs per in e scadin, giuven e vegl**

Cordialmein envida l'Uniun da dunnas Rabius Vus ad ina sera da giugs. Ei dat la pusseivladad d'emprender da dar troccas ni jass. **Mardis, ils 17-3-2020**, allas 19.00 el hotel «Greina» a Rabius (sunter mintgaga igl emprem mardis dil meins). Tier damondas: Irena Venzin, 078 794 21 91. Nus selegrein sin Vossa participaziun. *Uniun da dunnas Rabius*

## **Societad da tir Vial Sumvitg**

### **Cuors per tiraduras e tiradurs giuven**

Sco mintg'onn meina la Societad da tir Vial Sumvitg era atras uonn in cuors per tiraduras e tiradurs giuven. Separticipar san giuvenas e giuvenas dallas annadas 2000–2007. Annunzias pren bugen encunter entochen **sonda, ils 21 da mars 2020:**

Il menader dil cuors

Cajochen Gion

Via Plazzas 22

7173 Surrein

tel. 079 850 34 63

gcajochen67@gmail.com

## **Club da tennis Trun**

### **Radunonza generala**

La radunonza generala dil Club da tennis Trun ha liug **venderdis, ils 27 da mars**, allas 20.00 ella «Pizzeria DaStefano» («Dulezi»). La suprastonza selegra sin stedia participaziun. *Club da tennis Trun*

\*\*\*

### **Lotto dil Club da tennis dils 7 da mars 2020 sto vegnir refiers**

Sin fundament dallas mesiras da prevenziun digl uffeci cantunal da sanadad en connex cun il coronavirus stuein nus deplorablamein refierer il lotto dils 7 da mars sin igl atun 2020. *Club da tennis Trun*

## **Exkursion: Auf den Spuren der Luchse**

**Samstag, 14. März 2020**, Sumvitg. Im Bündner Hotspot-Gebiet des Luchses, in der Surselva, gehen wir den Spuren dieses Grossraubtiers nach.

Treffpunkt: 9 Uhr, Sumvitg, Parkplatz Schulhaus

Dauer: 9–12 Uhr

Mitnehmen: Schneeschuhe (je nach Schneebedingungen), warme Kleidung, Fernglas

Leitung: Ueli Jörmann, Wildhüter Bezirkschef

Anmeldung: [www.wwf-gr.ch/service/agenda](http://www.wwf-gr.ch/service/agenda)

Organisation: Die Exkursion wird vom WWF Graubünden in Zusammenarbeit mit dem AJF durchgeführt.

## **Pro Senectute a Cumpadials**

### **Meisa da miezdi (gentar communabel)**

Pro Senectute Surselva organisescha ensemen cun Nadja Scolieri ell'Ustria dalla Staziun a Cumpadials ina meisa da miezdi (gentar communabel) inagada per meins, mintgamai il venderdis. Intent dalla meisa da miezdi duei esser da promover la cumminonza ella vischnaunca da Sumvitg e contuorn denter las personas ella vegliadetgna dalla pensiun. Plinavon dat ei la pusseivladad d'embellir quella occasiun cun star suentermiezdi da cumpignia cun dar in scart troccas ni auters giugs.

Liug: Ustria dalla Staziun, 7176 Cumpadials

Datum: **venderdis, ils 13 da mars 2020** allas 12.00

Annunzias: Ein da far entochen mesjamna sera tier Ustria dalla Staziun, Cumpadials, tel. 081 943 19 22

## **Apparat d'udida**

**Gliendisdis, ils 9 da mars 2020** saveis Vus schar schubergiar e rugalar Vies apparat d'udida: 9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma Jäggi sorprendan comunablamein quei survetsch gratuit per tuts interessents. Ei drova negina annunzia.